



কেন্দ্রীয়মন্ত্রিসভা

২০১৭-১৮ অর্থ বছরে দীর্ঘ মেয়াদি সেচ তহবিল গড়ে তোলার লক্ষ্যে বাজেট অতিরিক্ত ৯,০২০ কোটি টাকা সংগ্রহের প্রস্তাব : অনুমোদন কেন্দ্রীয় মন্ত্রিসভার জলসেচের সুযোগ-সুবিধা প্রসার সম্পর্কিত বিশেষ কর্মসূচি

Posted On: 17 AUG 2017 5:06PM by PIB Kolkata

জলসেচের সুযোগ-সুবিধা প্রসার সম্পর্কিত বিশেষ কর্মসূচি রূপায়ণে ন্যাবার্ড-এর মাধ্যমে ২০১৭-১৮ অর্থ বছরের চাহিদা অনুযায়ী ৯,০২০ কোটি টাকার বাজেট অতিরিক্ত সহায় সম্পদ সংগ্রহের প্রস্তাবে আজ এখানে অনুমোদন দেওয়া হয় প্রধানমন্ত্রী শ্রী নরেন্দ্র মোদীর নেতৃত্বে অনুষ্ঠিত কেন্দ্রীয় মন্ত্রিসভার বৈঠকে। অগ্রাধিকারপ্রাপ্ত ৯৯টি জলসেচ প্রকল্পের কাজ চালু রাখার জন্য এই সম্পদ ব্যবহার করা হবে। ঐ অর্থসংগ্রহের লক্ষ্যে বন্ড ইস্যু করবে ন্যাবার্ড।

প্রসঙ্গত উল্লেখ্য, আর্থিক অপ্রতুলতার কারণে এই বিশেষ জলসেচ প্রকল্পের বড়ও মাঝারি ধরনের কর্মসূচিগুলি নানাভাবে বাধাপ্রাপ্ত হচ্ছিল। এই সমস্যা নিরসনে ২০১৬-১৭ অর্থ বছরের বাজেট ভাষণে ন্যাবার্ড-এর মাধ্যমে এক দীর্ঘমেয়াদি সেচ তহবিল গঠনের কথা ঘোষণা করেছিলেন কেন্দ্রীয় অর্থমন্ত্রী। এজন্য প্রাথমিক ২০ হাজার কোটি টাকার তহবিল গঠনের এক প্রস্তাব করা হয় যাতে অংশীদারিত্ব থাকবে কেন্দ্র এবং সংশ্লিষ্ট রাজ্যগুলির।

২০১৭-১৮ অর্থ বছরে দীর্ঘ মেয়াদি সেচ তহবিলের আওতায় ২৯ হাজার কোটি টাকার প্রয়োজন হবে বলে অনুমান করা হচ্ছে। বিভিন্ন রাজ্য এবং কেন্দ্রীয় জল কমিশনের প্রতিবেদন অনুযায়ী ১৮টি প্রকল্পের কাজ ইতিমধ্যেই সম্পূর্ণ অথবা প্রায় সম্পূর্ণ হয়েছে। মোট ৯৯টি প্রকল্প থেকে ২০১৬-১৭ বছরে ১৪ লক্ষ হেক্টর জমিতে সেচের সুযোগ সম্প্রসারণের সম্ভাবনার কথাও উল্লেখ করা হয় ঐ প্রতিবেদনগুলিতে। বর্তমান অর্থ বছরে আরও ৩৩টি জলসেচ প্রকল্পের কাজ সম্পূর্ণ হবে বলে আশা করা হচ্ছে।

(Release ID: 1499963) Visitor Counter : 2

Background release reference

জলসেচের সুযোগ-সুবিধা প্রসার সম্পর্কিত বিশেষ কর্মসূচি

